





樂城集卷第二

詩六十九首

畫文殊普賢

誰人畫此二菩薩。跌坐花心乘象狻。弟子先後執盃  
缶。老僧槎牙森比肩。山林脩道幾世劫。顏貌偉麗如  
開蓮。重崖宛轉帶林樹。野水荒蕩浮雲天。峨眉高處  
不可上。下有絕澗鋼九泉。朝陽未出白霧起。有光升  
天如月圓。靈仙居中粗可識。有類白兔依清蹊。遊人  
禮拜千萬萬。迤邐漸遠如飛煙。五臺不到想亦爾。今  
之畫圖誰所傳。吾兄子瞻苦好異。敗繒破紙收明鮮。



自從西行止得此。試與記錄代一觀。

聞子瞻重遊南山

終南重到已春回。山木綠崖綠似苔。谷鳥鳴呼嘲獨往。野人笑語記曾來。定邀道士彈鳴鹿。誰與溪堂共酒杯。應有新詩還寄我。與君和取當遊陪。

游終南山時事

子瞻見許驪山澄泥硯

長安新硯石同堅。不待書來遂許頒。豈必魏人勝近世。強推銅雀沒驪山。寒煤舒卷開雲葉。清露霑流發涕潛。早與封題寄書案。報君湘竹筆身斑。

寒食前一日寄子瞻

寒食明朝一百五。誰家冉冉尚厨煙。桃花開盡葉初綠。燕子飛來體自便。愛客漸能陪痛飲。讀書無思懶開編。秦川雪盡南山出。思共肩輿看麥田。

大人久廢彈琴比借人雷琴以記舊曲十得

三四率爾拜呈

久厭凡桐不復彈。偶然尋繹尚能存。會夷鳴樹思前歲。春水生波滿舊痕。泉落空巖虛谷應。珮敲清殿百官寒。終宵竊聽不能學。庭樹無風月滿軒。

聞子瞻習射



樂府集 卷二  
舊讀兵書氣已振。近傳能射喜征戩。手隨樂節寧論  
中。箭作鳴聲不害文。力薄僅能勝五斗。才高應自敵  
三軍。良家六郡傳真法。馬上今誰最出羣。

種菜

久種春蔬旱不生。園中汲水亂瓶罍。菘菜經火未出  
土。僮僕何朝飽食羨。強有人功趨節令。悵無甘雨困  
耘耕。家居閑暇厭長日。欲看年華上菜塋。

次韻子瞻題薛周逸老亭

飛鳥不知穴。山鹿不知流。薛子善飲酒。口如吸水虬。  
吾觀腸胃間。何異族黨州人滿。地已盡。一介不可留。

謂子試飲水。一酌不再求。謂子飲醇酒。百酌豈待酬。  
酒可水不可。其說亦已悠。以我視夫子。胷腹百丈幽。  
譬如田中人。視彼公與侯。未省破顏飲。何況裸露頭。  
鴟夷謂大瓠。皆飽安用浮。多少苟自適。豈害爲明遊。

次韻子瞻題長安王氏中隱堂五首

秦中勝三蜀。故國不須歸。甲第春風滿。巴山晝夢非。  
竹深啼鳥亂。花落晚蜂飛。我欲西還去。敲門慎勿違。  
唐朝卿相宅。此外更應無。請看庭前樹。曾攀屋裏株。  
流傳漸失實。遺老不禁徂。試問歸登物。林間翠石孤。

或云此即  
歸登宅



不和韻

愛君高堂上有似蜀江壩壩外終南近。簷西太白偏。  
晚梅晴自媚。老竹暗相遷。未到遙聞說。吾廬安得然。  
官去空留鶴。山浮不見鰲。竹林迎日淨。槐木擁亭高。  
鳥噪知人至。蟬鳴覺口勞。誰能飲堂上。解帶不穿袍。  
君看原上墓。墳盡但餘碑。誰見生前貴。塵生帶下龜。  
高堂幸有酒。一飲豈論貲。勉強行樂耳。古人良可悲。

和子瞻鳳翔八觀八首

石鼓

岐山之陽石爲鼓。叩之不鳴懸無虞。以爲無用百無  
直。以爲有用萬物祖。置身無用有用間。自託周宣誰

奇句

敢侮。宣王沒後墳壠平。秦野蒼茫不知處。周人舊物  
惟存山。文武遺民盡囚虜。鼎鍾無在鑄。戈戟宮殿已  
倒生。禾黍厲宣子孫窳。四方昭穆錯亂不存譜。時有  
過客悲先王。綢繆牖戶徹桑土。思宣不見幸鼓存。由  
鼓求宣近爲愈。彼皆有用世所好。天地能生不能主。  
君看項籍猛如狼。身死未冷割爲脯。馬童楊喜豈不  
仁。待汝封侯非怨汝。何況外物固已輕。毛擒翡翠尾  
執麈。惟有蒼石於此時。獨以無用不見數。形骸偃蹇  
任苔蘚。文字皴剝困風雨。遭亂旣以無用全。有用還  
爲太平取。古人不見見遺物。如見方召與申甫。文非



科斗可窮詰。簡編不載無訓詰。字形漫汗隨石缺。蒼虵生角龍折股。亦如老人遭暴橫。頤下髭禿口齒齟。形雖不具意可知。有云楊柳貫魴鱖。魴鱖豈厭居溪谷。自投網罟入君俎。柳條柔弱長百尺。挽之不斷細如縷。以柳貫魚魚不傷。貫不傷魚魚樂死。登之廟中鬼神格。錫女豐年多黍稌。宣王用兵征四國。北摧犬戎南服楚。將帥用命士卒驩。死生不願闕虓虎。問之何術能使然。撫之如子敬。如父弱。柳貫魚魚弗違仁。人在上民不怨。請看石鼓非徒然。長笑太山刻秦語。

咀楚文

詛楚楚如桀。詛秦秦則紂。桀罪使信然。紂語安足受。牲肥酒醪絜。夸誕鬼不祐。鬼非東諸侯。豈信辯士口。碑埋祈年下。意繞章華走。得楚不付孫。但爲劉季取。吾聞秦穆公與晉實甥舅。盟鄭絕晉歡。結楚將自救。搆絕見呂秦使秦詛楚人。晉亦議秦後諸侯。迭相詛禍福。果誰有世人不知道。好古無可否。何當投涇流。渾濁蓋鄙醜。

王維吳道子畫

在普門及開元寺

吾觀天地間萬事同一理。扁也工斲輪。乃知讀文字。我非畫中師。偶亦識畫旨。勇怯不必同。要以各善耳。



壯馬脫銜放平陸。步驟風雨百夫靡。美人婉婉守閑  
 獨。不出庭戶修容止。女能嫣然笑傾國。馬能一蹶致  
 千里。優柔自好勇自強。各自勝絕無彼此。誰言王摩  
 詰。乃過吳道子。試謂道子來置女。所挾從軟美道子  
 掉頭不肯應。傑我已足自恃雄。奔不失馳精妙實  
 無比。老僧寂滅生慮微。侍女閑絜非復婢。丁寧勿相  
 違。幸使二子齒。二子遺迹今豈多。岐陽可貴能獨備。  
 但使古壁常堅完。塵土雖積光豔長不毀。

楊惠之塑維摩像

在天柱寺

金粟如來瘦如腊。坐上文殊秋月圓。法門論極兩相

可言語不復相通傳。至人養心遺四體。瘦不為病肥  
 非妍。誰人好道塑遺像。鮐皮束骨筋扶咽。兀然隱几  
 心已滅。形如病鶴竦兩肩。骨節支離體踈緩。兩目視  
 物猶炯然。長嗟靈運不知道。強剪美須掉兩顴。彼人  
 視身若枯木。割去右臂非所患。何況塑畫已身外。豈  
 必奪爾庸自全。真人遺意世莫識。時有遊僧施鉢錢。

東湖

不到東湖上。但聞東湖吟。詩詞已清絕。佳境亦可尋。  
 蜿蜒蒼石螭。蟠拏據湖心。倒腹吐流水。奔注為重深。  
 清風蕩微波。渺渺平無音。有鼈行在沙。有魚躍在潯。



鼈圓如新荷。魚細如蠹蟬。梧桐生兩涯。蕭蕭自成林。  
孫枝復生孫。已中瑟與琴。秋虫噪蜩螗。春鳥鳴馱鴛。  
有客來無時。濯足蔭清陰。自忘府中官。取酒石上斟。  
醉。倒卧石上野。蟲上其襟。醒來不知莫。湖月翻黃金。  
油然上馬去。縱牽不自箴。作詩招路人行。樂宜及今。  
人生不滿百。一瞬何所任。路人掉頭笑。去馬何駸駸。  
子有不肖弟。有冠未嘗簪。願身化為線。使子爲之鍼。  
子欲烹鯉魚。爲子漑釜鬻。子欲枕山石。爲子求布衾。  
異鄉雖云樂。不如反故岑。瘦田可繫耕。桑柘可織紝。  
東有軒轅泉。隱隱如牛涔。西有官輅宅。尚存青石礎。

彭女留膝。踈禮拜。意已欽。慈母抱衆子。亂石寒蕭森。  
朝往莫可還。此豈不足臨。慎勿語他人。此意子。獨謀。

真興寺閣

秦川不爲廣。南山不爲高。巖岷真興閣。傑立陵風颯。  
危檻俯翔鳥。跳簷落飛猱。上有傲世人。身衣白鶴毛。  
下視市井喧。奔走何嗷嗷。蕭然倚楹。嘯遺響入雲霄。  
清風吹其裾。冉冉不可操。不知何所爲。豈即非盧敖。  
遊目萬里間。遠山如伏羔。遺語謝世俗。釣魚當釣鼈。

李氏園

李茂正園也。俗謂皇后園。蓋茂正謂其妻也。

有客騎白駒。揚鞭入青草。悠悠無遠近。但擇林亭好。



蕭條北城下。園號李家媪。繫馬古車門。隨意無洒掃。  
 鳴禽驚上屋。飛蝶紛入抱。竹林淨如濯。流水清可澡。  
 閑花不著行。香梨獨依島。松枝貫今昔。林影變昏早。  
 草木皆蒼顏。亭宇已新造。臨風置酒樽。庭下取栗棗。  
 今人強歡笑。古人已枯槁。欲求百年事。不見白鬢老。  
 秦中古云樂。文武在豐鎬。置園通樵蘇。養獸讓麀麋。  
 池魚躍金碧。白鳥飛紵縞。牛羊感仁恕。行葦亦自保。  
 當年歌靈臺。後世詠魚藻。古詩宛猶在。遺處不可考。  
 悲哉李氏末。王霸出奴皂。城中開芳園。城外羅戰堡。  
 擊鼓鳴巨鐘。百姓皆懊惱。及夫聖人出。戰國卷秋潦。

園田賦貧民。耕破園前道。高原種菽粟。陂澤滿粳稻。  
 春耕雜壺漿。秋賦輸結藁。當年王家孫。自庇無尺椽。  
 空餘百歲木。妄為天巫禱。遊人足譏罵。百世遭舌討。  
 老翁不願見。垂涕祝襁褓。持用戒滿盈。飲酒無醉到。

秦穆公墓

在秦泉上

泉上秦伯墳。下埋三良士。三良百夫特。豈為無益死。  
 當年不幸見。迫脅詩人尚。記臨穴。惴豈如田橫海中。  
 客中原。皆漢無報所。秦國吞西周。康公穆公子。盡力  
 事康公。穆公不為負。豈必殺身從之遊。夫子乃以侯  
 嬴所為疑。三子王澤既未竭。君子不為詭。三良殉秦

漢論及



穆。要。自。不。得。已。

聞子瞻將如終南太平宮谿堂讀書

爲吏豈厭事。厭事日墮媮。著書雖不急。實與百世謀。  
問吏所事何。過客及繫囚。客實虛攪人。囚有不自由。  
辦之何益增。不辦亦足憂。嗟此誰不能。脫去使自收。  
幽幽南山麓。下有溪水流。溪上亦有堂。其水可濯漱。  
終日不見人。惟有山鹿呦。是時夏之初。溪冷如孟秋。  
山榘黃笠屨。林筍紫角抽。朝取筍爲羹。莫以榘爲羞。  
溪魚鯉與魴。山鳥鶩與鳩。食之飽且平。偃仰自佚休。  
試探篋中書。把卷揖前脩。恍如反故鄉。親朋自相求。

蔚如甕中糟。久熟待一漉。爲文若江河。豈復有刻鏤。  
尚何憶我爲。欲與我同遊。我雖不能往。寄詩以解愁。

次韻子瞻麻田青峯寺下院翠麓亭

走馬紅塵合。開懷野寺存。南山抱村轉。渭水帶沙渾。  
亭峻朱欄繞。堂虛白佛尊。煩襟喜脩竹。勸馬樂芳蓀。  
白氍毹隨手。清泉滿照盆。塵顏洗濯淨。髀肉再三捫。  
饋食青蔬軟。流匙細粟翻。老僧勿施敬。對客說山門。

次韻子瞻宿南山蟠龍寺

谷中夜行不見月。上下不辨山與谷。前呼後應行相。  
從。山頭誰家有遺燭。是是深徑馬蹄響。落落稀星著。



疎木行投野寺僧已眠叩門無人狗出縮號呼從者  
久嗔罵老僧下牀揉兩目問知官吏冒夜來掃牀延  
客卧華屋釜中無羨甌實盡愧客滿盎惟脫粟客來  
已遠睡忘覺僧起開堂勸晨粥自嗟奔走閔僧閑偶  
然來過何年復留詩滿壁待重遊但恐塵埃難再讀

賦園中所有十首時在京師

萱草

萱草朝始開呀然黃鵠背仰吸日出光口中爛如綺  
纖纖吐須鬣冉冉隨風哆朝陽未上軒粲粲幽閑女  
美女生山谷不解歌與舞君看野草花可以解憂悴

竹

寒地竹不生雖生常若病斲根種幽砌開葉何已猛  
嬋娟冰雪姿散亂風日影繁華見孤淡一箇敵千頃  
令人憶江上森聳綠崖勁無風籟自飄策策鳴荒逕

蘆

蘆生井欄上蕭騷大如竹移來種堂下何爾短局促  
莖青甲未解枯葉已可束蘆根愛溪水餘闊長鮮綠  
強移性不遂灌水惱僮僕晡日下西山汲者汗盈掬

石榴

堂後病石榴及時亦開花身病花不齊火候漸已差



芳心竟未已。新萼綴枯槎。誰言石榴病。乃久占年華。  
鄰家花最盛。早發豈容遮。殘紅已零落。婀娜子如瓜。

蒲桃

蒲桃不禁冬。屈盤似無氣。春來乘盛陽。覆架青綾被。  
龍鬚亂無數。馬乳垂至地。初如早梅酸。晚作醲酪味。  
誰能釀爲酒。爲爾架前醉。滿斗不與人。涼州幾時致。

萑草

室幽來客稀。塵土積不掃。鄰翁笑我拙。教我種萑草。  
經霜研爲簞。不讓秋竹好。始生如一毛。張王忽侵道。  
鉏耰禁芟斲。愛惜待枯槁。有用皆勿輕。吾師灌園老。

果羸

吾兄客閔中。果羸施吾字。兄雖未得還。我豈如婦女。  
吻吻感微物。涕泗若零雨。但愛果羸莖。屈曲上墻堵。  
朝見綠墻頭。莫已過墻去。物生隨年華。還日何足數。

牽牛

牽牛非佳花。走蔓入荒榛。開花荒榛上。不見細蔓身。  
誰剪薄素紗。浸文青藍盆。水淺浸不盡。下餘一寸銀。  
嗟爾脆蒨草。豈能凌霜晨。物性有稟受。安問秋與春。

雙栢

南園地性惡。雙栢不得長。蓬麻春始生。今已滿一丈。



栢生嗟幾年。失意自淒愴。有子壓枝低。已老非少壯。  
尤栢栢也。寃尤地。亦恐妄兩旣。無所尤高枝。幾時放。  
葵花

葵。花。開。已。闌。結。子。壓。枝。重。長。條。困。風。雨。倒。卧。枕。丘。壠。  
憶。初。始。放。花。歲。歲。旌。節。聳。得。時。能。幾。時。狼。籍。成。荒。冗。  
浮。根。不。任。雪。採。剥。收。遺。種。未。忍。焚。枯。莖。積。壘。墻。角。擁。

和子瞻記夢二首

兄從南山來。夢我南山下。探懷出詩卷。卷卷盈君把。  
詩詞古人似。弟則吾弟也。相與千里隔。安得千里馬。  
携手上南山。不知今乃夜。晨雞隔墻唱。歌枕窻月亞。

百語記一詞。秋菊悲蛩吒。此語鮑謝流。平日我不暇。  
我本無此詩。嗟此誰所借。

蟋蟀感秋氣。夜吟抱菊根。霜降菊叢折。守根安可存。  
耿耿荒苗下。唧唧空自論。不敢學蝴蝶。菊盡兩翅翻。  
虫凍不絕口。菊死不絕芬。志士豈棄友。烈女無兩婚。

次韻子瞻題岐山周公廟

周人尚記有周公。禾黍離離下有宮。破瓦烝豚非以。  
報野巫。長跪若為通。山圍棟宇。泉流迅。宙后有惠潤泉在亂則竭  
鳳去梧桐落。葉濛有客賦詩題。屋壁二南猶自有遺風。



次韻子瞻題扶風道中天花寺小亭

客車來不息。轍迹自成溝。莫怪慵登寺。猶宜常舉頭。  
獨遊知憶弟。望遠勝登樓。處處題詩遍。篇篇誰為收。

次韻子瞻南溪避世堂

柱杖行窮徑。園堂尚有林。飛禽不驚處。萬竹正當心。  
虎嘯風吹籟。霜多蟬病瘖。獸驕從不避。人到記由今。  
未暇終身住。聊為半日吟。青松可絕食。黃葉不須衾。  
偶到初迷路。將還始覺深。堂中有幽士。插髻尚餘簪。

和子瞻三遊南山九首

樓觀次韻

神仙避世守關門。一世沉埋百世尊。舊宅居人無姓。  
尹。深山道士即為孫。天寒遊客常逢雪。日暮歸鴉自  
識村。君欲留身託幽寂。直將山外比羌渾。

五郡次韻

蜀人不信秦川好。食蔗從梢未及甘。當道沙塵類河。  
北。依山水竹似江南。觀形隨阜飲溪鹿。雲氣侵山食  
葉蚕。猶有道人迎客笑。白鬚黃袖豈非聃。

傳經臺

輪扁不能令子巧。老聃雖智若為傳。遺經尚在臺如。  
故。弟子今無似喜賢。



大秦寺

大秦遙可說。高處見秦川。草木埋深谷。牛羊散晚田。山平堪種麥。僧魯不求禪。北望長安市。高城遠似煙。

仙遊潭五首

潭

潭深不可涉。潭小不通船。路斷遊人止。龍藏白沫旋。剪藤量水短。挿石置橋堅。橋外居民少。躬耕不用錢。

南寺

澄潭下無底。將渡又安能。慣上橫空木。輕生此寺僧。曉魚開考考。石塔見層層。不到殊非惡。它年記未曾。

北寺

君看潭北寺。何用減潭南。不到還能止。重來獨未厭。荒涼增客思。貧病覺僧慙。飲水寒難忍。誰言栢子甘。

馬蝸石室

扶風貴公子。早歲伴山家。吹笛墮秋葉。讀書隨曉鴉。業成心自叛。學若我長嗟。石室非人住。窮山雪似沙。

玉女洞

洞門蒼蘚合。偈仄不容身。傳有巫明處。中藏窈窕人。吹笙橋上月。拾翠洞南春。徃徃來山下。蕭然雨洒塵。

和子瞻調水符

若若若



多防出多欲。欲少防自簡。君看山中人。老死竟誰謾。  
渴飲吾井泉。飢食甌中飫。何用費卒徒。取水負瓢罐。  
置符未免欺。反覆慮多變。授苦無憂符。階下泉可嚙。

次韻子瞻招隱亭

隱居吾未暇。何暇勸夫人。試飲此亭酒。自慙纓上塵。  
林深開翠帟。岸斷峻巖闔。送雪村醅。迎陽鳥哢新。  
竹風吹斷籟。湖月轉車輪。霜葉飛投坐。山梅重壓巾。  
欲居常有待。已失歎無因。古語君看取。聲名本實賓。

次韻子瞻凌虛臺

棄我謂我遠。求我謂我還。我一爾則二。視此臺上山。

奇真異帶

刻入法

山高上干天。獨不照我顏。無乃我自蔽。誰謂山則慳。  
遠望不見趾。近視不得髮。山實未始變。任子自擇刪。  
北風吹南崖。山上秋葉斑。道遠又寒苦。皴裂辭難攀。  
晴空卷朝雲。照夜霜月彎。強爾登此臺。免爾超闔闥。  
扶風太守字雋不見南  
山唯此臺上見之故云

次韻子瞻瞻竹飈

野食不穿囷。谿飲不盜盜。嗟飈獨何罪。膏血自為罔。  
陰陽造百物。偏此愚不爽。肥癡與瘦黠。稟受不相髣。  
王孫處深谷。小若兒在襁。超騰避彈射。將中還復往。  
一朝受羈縲。冠帶相賓饗。愚死智亦擒。臨食抵吾掌。

抵



筆、月、日、來

次韻子瞻漢陂魚

漢陂霜落魚可掩枯茨破盤蒲折劔巨斧敲冰已暗  
 知長義刺浪那容閃鯨孫蛟子誰復惜朱鬣金鱗漫  
 如染邂逅相遭已失津偶然一掉猶思暫嗟君遊宦  
 久羊炙有似遠行安野店得魚未熟口流涎豈有哀  
 矜自欺僭人生飽足百事已美味那令一朝欠少年  
 勿笑貪七筯老病行看費鍼砭羊生懸骨空自飢伯  
 夷食菜有不贍清名驚世不益身何異飲醯徒醅醢  
 道書世多有吾讀老與莊老莊已云多何況其駢傍

和子瞻讀道藏

聽字不解

摹擬象人志表

所讀嗟甚少所得半已強有言至無言既得旋自忘  
 譬如飲醇酒已醉安用漿昔者惠子死莊子哭自傷  
 微言不復知言之使誰聽哭已輒復笑不如飲此藏  
 脂牛雜肥豈烹熟有不嘗安得西飛鴻送笏以與凡

次韻子瞻南溪微雪

南溪夜雪曉來霽有客晨遊酒未消風泛餘花來逐  
 馬光浮斷澗不知橋山寒凍合行人息醉熟賓歡舞  
 意囂歸騎相將踏瑤玉喚林間認早梅條

和子瞻司竹監燒葦園因獵園下

駿馬七尺行馮馮曉出射獸霜為冰荻園斫盡有枯



枿束茅吹火初如燈。乍分乍合勢開展。蒼煙被野風  
騰騰。黃狐驚顧嘯儔侶。飛鳥先起如蒼蠅。須臾立旆  
布行伍。有似脩蟒橫岡陵。蒼蠅猛犬出前後。缺處已  
掛黃麻罽。回風忽作火力怒。平地一卷無疆勝。尚幸  
不出抱寶死曹瞞。逸去焦其肱。投身誤喜脫灰燼。闖  
首旋已遭侵凌。何人上馬氣吞虎。狐帽壓耳皮蒙膺。  
開弓徐射疊雙兔。擁馬驪叫驚未會。舉鞭一麾百夫  
進。擊鼓再發箭啓棚。去如飛。蚤中如電。獲若兩獸。高  
流蠅肉分麾下。飽壯士。皮與公子雷。縑繒縱橫分裂  
惠村塢。尚有磊落載後乘。吾兄善射又無敵。是日歛

蠅  
鷹

手稱不能憑。鞍縱馬聊自適。酒後醉語誰能磨。健兒  
擊搏信可樂。主將雄猛今誰勝。冑中森列萬貔虎。嗟  
世但以文儒稱。安得強弓傳長箭。使射蔽日垂天鵬。

木山引水二首

引水穿墻接竹梢。谷藏峯底大容瓢。將流旋滴廬山  
瀑。已盡還來海上潮。亂點落池驚睡覺。半含山潤沃  
心焦。瓦盆一斛何勝滿。溢去猶能浸菊苗。  
簷下枯槎拂荻梢。山州迤邐費公瓢。幽泉細細流巖  
鼻。盆水瀾瀾漲海潮。但愛堅如湖上石。誰憐收自竈  
中焦。蒼崖寒溜須佳蔭。尚少青冬石蠶苗。



興州新開古東池

山。遶。興。州。萬。疊。青。池。開。近。郭。百。泉。并。昔。年。種。柳。人。安。  
在。累。歲。開。花。藕。自。生。波。暖。跳。魚。聞。樂。喜。人。來。野。鴨。望。  
船。鳴。西。還。過。此。須。終。日。爲。問。使。君。行。未。行。

子瞻喜雨亭北隋仁壽宮中怪石

仁壽宮中魯穀生太湖蒼石草間橫興衰換世身猶  
在南北從人事已輕累石作臺秋蘚上鑿汧通水細  
渠清三年此亦非公有空使他年記姓名

用林妣韻賦雪

各。雪。來。何。晚。窮。冬。候。欲。差。投。空。落。細。米。布。地。淨。平。沙。

繚繞飛相着重仍積暗加雨微花破碎風細脚傾斜  
次第來如摻冥濛隋不講燁鵝吹勁輔秀葦拂輕枷  
畫字飄還沒團毬暖旋衣出鹽東海若鍊石古皇媯  
翻籥騰歸騎紛飄集晚鴉庭梅辨紅萼壠麥覆黃芽  
撥砌求新藥尋蹤射伏麋埋樓平盡脊集樹短甯槎  
亂下曾何擇平鋪欲盡遮欺貧寒入褐惱客重添車  
積素聊成燭烹茸強試茶病僧添曉鉢老令放晨衙  
融液曾何有鮮明竟不奢積多還避井化早發從畬  
溜滴簷垂箸行觀逕轉虵誰能相就醉都市酒容賒

送張唐英監閬州稅



閩中雖近蜀監稅本閑官豈足淹賢俊聊應長羽翰  
讀書心健否答策意何闡未可厭畋獵田中有走貆

送張師道楊壽棋二同年

故國多賢俊登科並弟兄重來舊游處兩見近題名  
冉冉須堪把鬢鬢歲可驚孤轅已南向馬死復西征  
入峽猿應苦還荆鴈已鳴喜從元帥幕官職漸崢嶸

送家定國同年赴永康掾

清慎岷山掾登科已七年迎親就魚稻為吏擇林泉  
去騎關中熱歸心沫水鮮官閑幸可樂記買鷓鴣煎

永康多鷓鴣

送霸州司理翟曼

大梁能賦客邊郡繫囚曹官職不相稱聲名終自高  
試觀為吏苦應過讀書勞努力事初宦尺絲無厭縲

送道士楊見素南遊

黃河春漲入隋溝。任意隨波日夜流。萬里尋山如野  
鶴。一身浮水似輕鷗。湖風送客那論驛。岳寺留人暗  
度秋。遲子北歸來見我。携琴委曲記深幽。

利路提刑亡伯郎中挽詞二首

好學先鄉黨登科復妙年誰為耆舊傳最處縉紳先  
淪謝今亡矣風流孰繼焉菟歸食里社世世仰仁賢



晚歲官仍困終身耻自言廉明漢循吏仁愛鄭公孫  
赤縣朝稱理衡山德共尊遠人應罷市處處有遺恩

亡伯母同安縣君楊氏挽詞

德盛諸楊族賢宜伯父家周姜職蘋藻歎母事蚕麻  
大邑移封近陰堂去日賒空餘鏡奩在時出舊筭珈

樂城集卷第二

樂城集卷第三

詩七十五首

北京送孫曼叔屯田權三司開圻司

人。生。不。願。才。才。士。困。奔。走。君。為。大。農。屬。求。職。更。能。否。  
自我遊魏博相識恨未久誰言但傾蓋信有勝白首  
清晨坐風觀落日說涼牖棊精動如律弓健不論斗  
旁觀我不能晤語君見受秋風起沙漠淒雨濕征袖  
送行欲汲汲富貴恐君後將去聊遲遲已遠悲朋友

和強至太博小飲

誰能飲酒如傾水醉倒坐中扶不起形骸外物已如



續坡集 卷三  
遺升斗任君無復避。霜梨冰脆寒侵齒。未盡一杯先  
已醉。強將文字笑紅裙。冷淡為歡何足貴。

和強君瓦亭

君為魏博三年客。日有江湖萬里心。斃得野亭留馬  
足。強循踈柳步堤陰。無人携手共吳語。得意搖頭時  
越吟。何日東郊過微雨。並騎鞍馬去同尋。

中秋夜入絕

得月明星稀  
鳥鵲南飛

長空開積雨。清夜流明月。看盡上樓人。油然就西沒。  
誰遣常時月。偏從此夜明。暗添珠百倍。潛感兔多生。  
欲見初容燭。將升尚有星。漸高圍漸小。雲外轉亭亭。

明入庭陰白。寒侵酒氣微。夜深看更好。樓上漸人稀。  
浮光看不定。重露試還無。影翻狂舞客。明誤已棲鳥。  
巧轉上人衣。徐行度樓角。河漢冷無雲。冥冥獨飛鵲。  
猿狖號枯木。魚龍泣夜潭。行人已天北。思婦隔江南。  
看又酒扶立。行貪遂失歸。誰能終不睡。爛醉羽觴飛。

次韻王君貺尚書會六同年

有美佳賓賢主人。布衣曾共脫京塵。歡來未覺歲華  
晚。醉後能令秋氣春。發譽早同初宦日。收功終籍老  
成身。它年此會應圖畫。傳入誰家屏幃新。

王君貺生日



純陰十月晚。勁氣肅羣驕。惟有喬松在。長看積雪消。  
生賢稟真性。特立冠當朝。早歲初成賦。羣雄已失標。  
治才精破竹。廷論壯生飈。博士皆推賈。宣皇重試蕭。  
周旋窮政體。出入解心焦。九列高稱冠。三台豈足超。  
論功歸穎霸。舉相待虞姚。驥騁經新引。弓強發矢招。  
百年時節在。四海衆心翹。當見飛中使。齎金賜此朝。

二府生日  
例賜金白

次韻姚孝孫判官見還岐梁唱和詩集

伯氏文章豈敢知。岐梁偶有往還詩。自憐兄力能兼  
弟。誰肯填終不聽。策西號春游池百頃。南溪秋入竹

千枝恨君曾是關中吏。屬和追陪失此時。

次韻王臨太博馬上

冬晚霜露重。戒選鞍馬勞。徒知事奔走。曾未補毫毛。  
水旱嗟嘖蹙。瘡痍費抑搔。莫歸何暇食。堆按簿書高。

次韻王君北都偶成三首

河轉金隄近。天高魏闕新。千夫奉儒將。百獸伏麒麟。  
校獵沙場莫。談兵玉帳春。關南知不遠。誰試問番隣。  
天寶亂已定。河堧兵更多。故城埋白骨。遺俗喜長戈。  
卧獸常思肉。奔鯨不受羅。縱橫竟安在。誰見冢嵯峨。  
禁籞封金殿。清河貫石門。時平餘古木。兵散有空屯。



形勝山園闊。蕃宣海內尊。川原不論頃。雲夢可勝吞。

次韻沈立少卿白鹿

白鹿何年養。驚猜未肯馴。軒除非本性。飲食強依人。  
烈影冰浮水。飛毛雪洒塵。獨游應已倦。忽見乍凝神。  
野色明幽步。煙蕪薦卧身。異姿人共愛。清意爾誰親。  
日暖山苗熟。風微澗草春。何緣解韁繫。奔放任天真。

送陳安期都官出城馬上

城中二月不知春。唯有東風滿面塵。歸意已隨行客去。  
流年驚見柳條新。簿書填委休何日。學問榛蕪愧古人。  
一頃稻田三畝竹。故園何負不收身。

登上水閣

淇水泔泔入禁語。城樓中斷過深清。空郊南數牛羊下。  
落日迴瞻觀闕明。歲月逼人行老大。江湖發興感平生。  
畫船早晚籠新屋。慰意來看水面平。

寒食贈遊歷沙諸君

城南壓沙古河淤。沙上種梨千萬株。隆冬十月我獨往。  
風吹葉盡枝條疎。老僧屈指數春候。却後百日花常蘇。  
微風細雨膏潤足。枝頭萬萬排明珠。齊開競發不知數。  
照曜冰雪明村墟。此時官閑得遊賞。長堤平穩宜驂駒。  
寺門古木芽葉動。倉庾布穀相和呼。及時



解 斷字不

字 結句有誤

行樂不可緩。歲長春短。花須臾。僧言我意。兩相值。欲  
往。屢已。脂吾車。今朝寒食。燈火斷。薄雲蔽日。風沙除。  
此花。又已。待我。至。况有朋友。相携扶來。邀反覆。不能  
往。豈獨負君花。已辜諸君高邁。足才思。佐酒况得萬  
玉奴。坐中未醉。慎無起。倒載當山公使如。

明日厚安卿強幾聖復召飲醉次前韻

芳樽酌水清無淤。梨園著雪迷根株。鄴宮士女喜行  
樂。坐上酌客誰親踈。倦遊不知歲月過。痛飲漸覺筋  
骸蘇。風吹落片亂鵝毳。雨結細貫駢明珠。雲屯水積  
動論頃。誰信城郭涵村墟。坐觀明媚低照席。行看繁

斷字及

結句均有訛

相字

開橫選駒。我貧不辨供酒炙。側耳日聽交朋呼。無端  
人事巧拘束。曾不見置閑。浪史長鯨渴水求入海。老  
驥伏櫪思就車。清明未過春未老。寒食豈必節與除。

醉倒交相扶。歡娛安用苦酬

然已覺萬物小。下視吏役真

此外百事何能如

次韻柳子玉郎中見寄

新年始是識君初。顧我塵埃正滿裾。談辨未容朝夕  
聽。情親空愧往還書。久聞筆陣無前敵。更擬詩壇託  
後車。待得入城應少暇。相從有約定何如。



解 斯字不

字 結句有誤

行樂不可緩。歲長春短。花須臾。僧言我意。兩相值。欲  
往。屢已。脂吾車。今朝寒食。燈火斷。薄雲蔽日。風沙除。  
此花。久已。待我。至。况有朋友。相携扶來。邀反覆。不能  
往。豈獨負君花。已辜諸君高邁。足才思。佐酒况得萬  
玉奴。坐中未醉。慎無起。倒載當山公使如。

明日厚安卿強幾聖復召飲醉次前韻

芳樽酌水清無淤。梨園著雪迷根株。鄴宮士女喜行  
樂。坐上酌客誰親踈。倦遊不知歲月過。痛飲漸覺筋  
骸蘇。風吹落片亂鵝毳。雨結細實駢明珠。雲屯水積  
動論頃。誰信城郭涵村墟。坐觀明媚低照席。行看繁

開橫選駒。我貧不辨供酒炙。側耳日聽交朋呼。無端  
人事巧拘束。曾不見置閑浪史。長鯨渴水求入海。老  
驥伏櫪思就車。清明未過春未老。寒食豈必節與除。  
二君為我重置酒。席上醉倒交相扶。歡娛安用苦酬  
酢。叫囂不畏相罪辜。昏然已覺萬物小。下視吏役真  
婢奴。請君數具牛酒費。此外百事何能如。

次韻柳子玉郎中見寄

新年始是識君初。顧我塵埃正滿裾。談辨未容朝夕  
聽。情親空愧往還書。久聞筆陣無前敵。更擬詩壇託  
後車。待得入城應少暇。相從有約定何如。



秀州僧本瑩淨照堂

有僧訪我携詩卷。自說初成淨照堂。求得篇章書壁  
素。不論塵土漬衣黃。故山別後成新歲。歸夢春來遶  
舊房。看取盈編定何益。客來無語但循墻。

京師送王願殿丞

憶遊長安城。皆飲母鄉宅。身雖坐上賓。心是道路客。  
笑言安能久。車馬就奔迫。城南南山近。勝絕聞自昔。  
徘徊竟莫往。指點煩鞭策。道傍古龍池。深透河渭澤。  
山行吾不能。愧此纔咫尺。壯哉誰開鑿。千頃如一席。  
參差山麓近。滉蕩波光射。若時在池上。俗事厭紛劇。

望門不敢叩。恐笑塵土迹。自從旅京城。所向愈無適。  
君來曾未幾。已復向南國。扁舟出淮汴。唯見江海碧。  
野人處城市。長願有羽翮。脫身相從遊。未果聊自責。

石蒼舒醉墨堂

石君得書法。弄筆歲月久。經營妙在心。舒卷功隨手。  
惟茲逸羣氣。扶駕須斗酒。作堂名醉墨。揮灑動牆牖。  
安得濁酒池。淋漓看濡首。取但繼張君。莫顧顛名醜。

遊淨因院寄璉禪師

歲月潛消日。裏冰依然來。見佛堂燈此。身已自非前。  
我問法何妨。似舊僧。灑面飛泉時。點點壓池蒼。石尚



層層遙知近愛金山好。江水煎茶日幾升。

送柳子玉

柳侯白首郎。風格終太古。舊遊日零落。新輩誰與伍。  
人情逐時好。變化無定主。試看近時人。相教蹈規矩。  
行身劇孔孟。稱道皆禹舜。但求免譏評。豈顧愁肺腑。  
坐令不羈士。舉足遭網罟。緬懷我生初。遺俗尚目睹。  
中庸雖已亡。比近則猶愈。老成慎趨好。後生守淳魯。  
豈效相謾欺。銜牛沽馬脯。過惡酒色間。可罪非可惡。  
譬如嵇與阮。心迹豈深蠹。京師逢柳侯。往事能歷數。  
歎息子美賢。相與實舊故。至今存篇章。醉墨龍蛇舞。

斯人今苟在。亦恐終囚虜。惜哉時論隘。安置失處所。  
一麾寄河壩。垂老幸有土。世俗安足論。且盡杯中醕。

送蘇公佐修撰知梓州

乘軺舊西蜀。出鎮復東川。父老知遺愛。壺漿定滿前。  
江山昔年路。旄節異邦權。望重朝中舊。疆分劍外天。  
歲登無猛政。蠻服罷防邊。去國身雖樂。憂時論獨堅。  
孤誠抱松直。彙進比茅連。我亦相從逝。踈狂且自全。

送任師中通判黃州

一別都門今五年。劇談精壯故依然。厭居巴蜀千山底。  
快住荆河十頃田。老去功名無意取。身閑詩筆更



能專黃州無事聊須飲。世俗方今自足賢。

南窓

京師三日雪。雪盡泥方深。閉門謝還往。不聞車馬音。  
西齋書帙亂。南窓初日升。展轉守床榻。欲起復不能。  
開戶失瓊玉。滿階松竹陰。客從遠方來。疑我何苦心。  
踈拙自當爾。有酒聊共斟。

次韻楊褒直講攢鏡

鬢髮年來日向衰。相寬不用強裁詩。壯心付與東流去。  
霜蟹何妨左手持。苑發黃鸝巧言語。池開楊柳聞腰肢。  
勸君行樂還聽否。即是南風苦熱時。

送錢婺州純老

桃花汴水半河流。已作南行第一舟。倦報朝中言嘖亂。  
喜聞淮上擘擘。平時答策詞無枉。此去爲邦學更優。  
自古東陽足賢守。請君重賦沈公樓。

次韻柳子玉見贈

壯心哀裏盡愧當年。刻意爲文日幾千。老去讀書聊度歲。  
春來多睡苦便。甌夢歸似鴈長飛去。才短如蚕只自纏。  
唯有聞詩尚思和。可能時寄最高篇。

次韻任遵聖見寄

故國老成誰復先。壯心空記話當年。灌夫失意貧無



續坡集 友梅福辭官晚作仙詩句清新非世俗退居安穩卜江天它年我亦從君隱多買黃魚煮復煎

次韻劉貢甫學士畫松石圖歌

長松大石生長見。揭遊壘上嗟空羨。寒翠関心失舊交。榮華過眼驚流電。破繒買得古畫圖。遺墨參差隨斷線。蠲枝倒掛風自舞。直幹孤生看面面。故山舊物遠莫致。愛此隨人共流轉。物生真傍竟何有。還意一時寧復辨。少年所好老成癖。傍人指笑嗟矜術。京城宅舍松石希。買費百金猶恐賤。

送頓起及第還蔡州

詔書京鋪起。沉淪歲貢仍。居第一人不。愧得官名暫。屈自誇對策。語深淳。讀書飽足終無厭。從宦奔馳自此新。我去淮陽今不久。鄰邦時得問音塵。

傍字 邊字 均有記  
鋪字 音記

來陳爲懶計。傳道愧虛名。斯文吾已試。深恐誤諸生。

久愛閑居樂。茲行恐遂不上官。容碌碌飽食更悠悠。枕畔書成僻湖邊。柳散愁疎慵愧韓子。文字化潮州。

柳湖感物

柳湖萬柳作雲屯。種時乱挿不須根。根如卧蛇身合



友梅福辭官晚作仙詩句清新非世俗退居安穩卜江天它年我亦從君隱多買黃魚煮復煎

次韻劉貢甫學士畫松石圖歌

長松大石生長見。揭遊嗔上嗟空羨。寒翠開心失舊交。榮華過眼驚流電。破繒買得古畫圖。遺墨參差隨斷線。蠲枝倒掛風自舞。直幹孤生看面面。故山舊物遠莫致。愛此隨人共流轉。物生真傍竟何有。邊意一時寧復辨。少年所好老成癖。傍人指笑嗟矜術。京城宅舍松石希。買費百金猶恐賤。

送頓起及第還蔡州

詔書京鋪起沉淪。歲貢仍居第一人。不愧得官名。暫屈自誇對策語。深淳讀書飽足終無厭。從宦奔馳自此新。我去淮陽今不久。鄰邦時得問音塵。

初到陳州二首

謀拙身無向歸田。久未成來陳為懶。計傳道愧虛名。俎豆終難合。詩書強欲明。斯文吾已試。深恐誤諸生。久愛閑居樂。茲行恐遂不上官。容碌碌飽食更悠悠。枕畔書成僻湖邊。柳散愁疎慵愧韓子。文字化潮州。

柳湖感物

柳湖萬柳作雲屯。種時乱挿不須根。根如卧蛇身合



抱仰視不見。蜩蟬喧。開花三月。亂飛雪。過牆度水。無復還。窮高極遠。風力盡。棄墜泥土。顏色昏。偶然直墮湖中水。化為浮萍。輕且繁。隨波上下。去無定。物性不改。天使然。南山老松。長百尺。根入石底。蛟龍蟠。秋深葉上露。如兩傾。流入土。明珠圓。乘春發生。葉短短。根大如指。長而堅。神農嘗藥。最上品。氣力直壓鍾乳。溫物生。稟受久已異。世俗何始分。愚賢嘗見野人言。花入水為浮萍。松上露墮地為仙茅。陰乾服之益人。古方云。十斤鍾乳不如一斤仙茅。

柳湖久無水。悵然成詠

平湖水盡起黃埃。惟有長堤萬萬栽。病鶴摧頽沙上

舞。遊人寂寞岸邊回。秋風草木初搖落。日暮樵蘇自往來。更識明年春絮起。共看飛雪亂成堆。

次韻孫戶曹朴柳湖

踈慵非敢獨違時。野性顛狂不受羈。猶有曲湖容笑傲。誰言與物苦參差。水乾生草曾非惡。鶴舞因風忽自怡。最愛柳陰遲日暖。幅巾輕屨肯相隨。

贈李簡夫司封

平生談笑接諸公。歸老身心著苦空。往事少能陪晤語。新詩時喜挹清風。形骸摩結羸偏健。筆札西臺晚更工。笑我壯年常苦病。異時何以作衰翁。

詰



次贈李簡夫春園

秋色豈相負。小園仍有花。逸。欄。吟。落。日。拾。徑。得。殘。葩。  
菊。細。初。藏。蝶。桐。疎。不。庇。鴉。遊。觀。須。作。意。霜。雪。僅。留。槎。  
逕草侵芒屨。庭花墮石臺。小庭幽事足。野色向人來。  
坐上烏皮几。墻間大瓠壘。老成無不可。談笑得徘徊。

題李簡夫葆光亭

次韻李簡夫因病不出

十五年來一味閑。近來推病更安眠。鶴形自瘦非閑。  
老僧定。端居不計年。坐上要須長滿客。杖頭何用出。  
携錢未嫌語笑妨。清靜閑暇陪公几杖前。

張安道尚書生日

出入三朝望愈尊。淮陽退卧避喧煩。崇高歷遍知皆。  
妄。風。俗。頻。遷。氣。獨。存。世。事。直。須。勞。舊。德。歸。心。那。復。厭。  
名。藩。赤。松。作。伴。功。錐。切。白。髮。憂。時。義。所。敦。仁。比。高。山。  
年。自。倍。秋。逢。生。日。喜。盈。門。知。公。知。命。身。無。禱。聊。為。生。  
靈。舉。壽。樽。

送劉道原學士歸南康

大川傾流萬物俱。根旋脚脫爭奔徂。流萍斷梗誰復。  
數。長。林。巨。石。曾。湏。臾。軒。昂。顛。倒。唯。恐。後。嗟。予。何。獨。強。  
根。株。三。年。一。語。未。嘗。屈。擬。學。文。舉。驚。當。塗。心。知。勢。力。



非汝敵。獨恐清議無遺餘。扁舟歲晚告歸覲。家膳欲  
及羞尊鱸。隱居高節世所尚。掛冠早歲還州閭。紛紜  
世事不着耳。得失豈復分錙銖。投身固已陷泥滓。獨  
立未免遭露濡。君歸左右誰高趣。牛毛細數分賢愚。

題滑洲畫舫齋贈李公擇學士

窓戶重重向日明。船居氣味此中生。江州出沒叢花  
短。波浪澄虛兩岸平。竄逐南來身未隱。安閑感物意  
猶驚。前賢事迹君今似。不愧當年畫舫名。  
歐陽公有  
正佐是邦  
而為此齋公擇之  
講從亦南來故耳

送王恪郎中知襄州

踈忍疎字

魏公德業冠當年。汝守威名踈漢邊。將相傳家俱未  
遠。子孫到處各推賢。風流最喜君真似。符竹連分政  
得專。峴首重尋碑。墮淚習池還指客。橫鞭逃亡已覺

疎字喜字均有說

有郡人知古意。欄街齊

共

喜字冠誤

手公才不世。取身道力。凡身物都無著。看書未覺勞。  
微言精老易。奇韻喜莊騷。杜叟詩篇在。唐人喜力豪。  
近時無沈宋。前輩茂劉曹。天驥精神穩。層臺結構牢。  
龍騰非有迹。鯨轉自生濤。浩蕩來何極。雍容去若遨。

四語精切

喜字冠誤



非汝敵。獨恐清議無遺餘。扁舟歲晚告歸覲。家膳欲  
及羞尊鱸。隱居高節世所尚。掛冠早歲還州閭。紛紜  
世事不着耳。得失豈復分錙銖。投身固已陷泥滓。獨  
立未免遭露濡。君歸左右誰高趣。牛毛細數分賢愚。

題滑洲畫舫齋贈李公擇學士

窓戶重重向日明。船居氣味此中生。江州出沒叢花  
短。波浪澄虛兩岸平。竄逐南來身未隱。安閑感物意  
猶驚。前賢事迹君今似。不愧當年畫舫名。  
而為此齊公擇之  
講從亦南來故耳

送王恪郎中知襄州

疎恐疎字

魏公德業冠當年。汝守威名疎漢邊。將相傳家俱未  
遠。子孫到處各推賢。風流最喜君真似。符竹連分政  
得專。峴首重尋碑。墮淚習池還指客。橫鞭逃亡已覺  
依。劉表寒俊應須禮。浩然當有郡人知。古意欄街齊  
唱接羅篇。

和張安道讀杜集用其韻

我公才不世。晚歲道尤高。與物都無著。看書未覺勞。  
微言精老易。奇韻喜莊騷。杜叟詩篇在。唐人喜力豪。  
近時無沈宋。前輩茂劉曹。天驥精神穩。臺結構牢。  
龍騰非有迹。鯨轉自生濤。浩蕩來何極。雍容去若遨。

喜字疑誤

四語精切

喜字疑誤



誤疑誤

壇高真命將。羣亂始知髦。白也空無敵。之豈少褒。  
論文開錦繡。賦命委蓬蒿。初試中書日。旋聞廊時逃。  
妻孥隔豺虎。關輔暗旌旄。入蜀營三徑。浮江寄一艘。  
投人慙下舍。愛酒類東臯。漂泊終浮梗。迂踈獨釣鰲。  
誤身空有賦。揜脛惜無袍。卷軸今何益。零丁昔未遭。  
相如元並世。惠子謾臨濠。得失將誰怨。憑公付濁醪。

送張公安道南都留臺

識公歲已深。從公非一日。仰公如重雲。庇我貧賤迹。  
公歸無留意。我處念平昔。少年喜文字。東行始觀國。  
成都多遊士。投謁密如櫛。紛然衆人中。顧我好顏色。

得狂感一遇。邂逅登仕籍。爾來十六年。髮髮就衰白。  
謀身日已謬。處世復何益。從來學俎豆。漸老信典冊。  
自知百不堪。偶未三見黜。譬如溝中斷。誰復強收拾。  
高懷絕塵土。舊好等金石。庠齋幸無事。樽俎奉清適。  
居然遠憂患。况復取矜式。汪洋際海深。淡泊朱弦直。  
狗時非所安。歸去亦何失。道存尚可卷。功成古難必。  
還尋赤松子。獨就丹砂術。恨無二頃田。伴公老蓬葦。

傅欽之學士濟源草堂

間有高居直。百金西山南。麓北山陰園。通濟水池塘。  
好花近洛川。顏色深。人去節旄分。重鎮客來猿鶴感。



幽冷。溪溪雨過西湖漲。歸興蕭然定不任。在許州時

文與可學士墨君堂

虛堂竹叢間。那復厭竹遠。風庭響交戛。月牖散凌亂。尚恐晝掩關。嬋娟不長見。中堂開素壁。蕭颯起霜幹。隨宜賦生意。落筆皆葱蒨。根莖雜土石。枝葉互長短。依依露下綠。冉冉風中展。開門視叢薄。與此終何辨。

故成都尹陸介夫挽詞

擁節西來未一年。淒涼道路泣東轅。蜀都富樂真當惜。民事艱難誰復論。白馬何人趨遠日。青芻盈束更無言。異時歸去逢遺老。空聽咨嗟述舊恩。

頽筵領子

次韻柳子玉謫官壽春舟過死丘見寄二首

局冷曾非簿。頽迷幽居渾似未官時。忽聞客至驚還喜。出見泥深笑不知。謀拙未能憂歲計。身閑聊可飽晨炊。行舟借問何忽草。淮口無潮月正虧。獻酬不用辭升斗。曲直何勞問尺尋。要路風波無限惡。謫居情味最能深。交從錦水初無間。鄰卜共山已有心。草聖詩豪並神速。數因南鴈惠佳音。

次韻子瞻頽州留別二首

託身遊宦鄉。終老羨箕穎。隱居亦何樂。親愛形隨影。念兄適吳越。霜降水初冷。翩然事舟楫。棄此室廬靜。



平明知當發。中夜抱虛警。求懷江上宅。歸計失不猛。  
人生狗所役。有若魚墮井。遠行豈易還。劇飲終難醒。  
不如早自乞。閑日庶猶求。世事非所憂。多憂亦誰省。  
放舟清淮上。蕩滌洗心胃。所遇日轉勝。恨我不得同。  
江淮忽中斷。陂塹何重重。紫蟹三寸筐。白鳧五尺童。  
赤鯉寒在汕。紅粳滿霜風。西成百物賤。加食愈貧窮。  
胡爲復相念。未肯安南東。人生免飢寒。不受外物攻。  
不見田野人。四壁編茅蓬。有食輒自樂。誰知富家翁。

陪歐陽少師求叔燕潁州西湖

西湖草木公。所種仁人實。使甘棠重歸來。築室傍湖

東。勝遊還與邦人共。公年未老髮先衰。對酒清歡似  
昔時。功成業就了無事。令名付與他人知。平生著書  
今絕筆。閉門燕居未嘗出。忽來湖上尋舊遊。坐令湖  
水生顏色。酒行樂作遊人多。爭觀竊語誰能呵。十年  
思潁今在潁。不飲耐此遊人何。

歐陽公所蓄石屏

石中枯木雙扶踈。粲然脉理通。飢膚剖開左右兩。相  
屬細看不見豪髮珠。老樗剝落但存骨。病松憔悴空  
留鬚。丘陵迤邐山麓近。雲煙澹澹對風雨。餘我驚造物  
巧如此。刻畫瑣細供人須。公家此類尚非一。客至不



識空嗟吁。案頭紫雲抱明月。床上寒木翻飢鳥。賦形  
簡易神自足。鄙弄筆墨嗟動劬。天工此意與人競。雜  
出變怪驚羣愚。世間淺拙無與敵。比擬懶有公新書。  
月石硯并及石上寒  
林樓鳥皆公詩所賦

次韻子瞻初出潁口見淮山

清淮此日見滄浪。始覺南來道路長。櫂轉山光時隱  
見。船知水力故軒昂。白魚受釣收寒玉。紅稻堆場列  
遠岡。波浪連天東近海。乘桴直恐漸茫茫。

次韻子瞻壽州城東龍潭

東行取次閱三州。擊鼓清晨復解舟。車騎紛紜追過

客歌鍾。嗚動潛蚪。宦遊瓜處非巢燕。歸計何嫌  
誦沐猴。賴有故人憐遠適。慙慙屢勸酒行周。

和子瞻渦口遇風

長淮暮生風。來自渦河口。新舟雖云固。波浪亦難受。  
詩來話艱厄。驚恐及兒婦。憶同沂荆峽。終夜愁石首。  
餘飈入情幄。跳沫濺窻牖。平生未省見。驚顧欲狂走。  
爾來涉憂患。漸覺成老醜。遙喜波浪中。時能飲醇酒。

和子瞻濠州七絕

塗山

娶婦山中不肯留。會朝山下萬諸侯。古人辛苦今誰



信只見清淮入海流

彭祖廟

長說先師似老彭。共疑好學古書生。不知亦解食雲母。白日登天萬事輕。山有雲母雲彭祖所採服

逍遙臺

莊子墓上祠堂也

猖狂戰國古神仙。曳尾泥塗老更安。厭世乘雲人不見。空墳聊復葬衣冠。

觀魚臺

莊子談空惠子聽。郢人斤斧竦忘形。莫嗟質喪無知者。對石何妨自說經。

疾似待也

虞姬墓

布叛增亡國已空。摧殘羽翮自令窮。艱難獨與虞姬共。誰使西來敵沛公。

四望亭

大和中郡守劉嗣之立李紳為之記今亭廢矣

唐史不聞劉嗣之。空傳短李舊歌詩。高亭毀盡唯存記。猶有區區父老知。

浮山洞

洞在淮上夏潦不能及而冬不加高故人疑其浮也

洞府元依水面開。秋潮每到洞門回。幽人燕坐門前石。長看長淮船去來。

和子瞻泗州僧伽塔



清淮濁汴爭強雄。龜山下闕支祁宮。高秋水來無遠  
 近。蕩滅洲渚乘城墉。千艘銜尾誰復惜。萬人兩泣哀  
 將窮。城中古塔高百尺。下有蛻骨黃金容。蛟龍百怪  
 不敢近。迴風倒浪歸無蹤。越商胡賈豈知道。脫身獻  
 寶酬元功。至人已立萬物表。劫火僅置毛孔中。區區  
 淮汴亦何有一挹可注滄溟東。胡為尚與水族較。時  
 出變怪驚愚聾。於呼此意不可詰。仰觀飛拱凌晴空。

次韻子瞻發洪澤遇大風却還宿

昨夜宿鴻澤。舟來遂如歸。却行雖云拙。乘險諒亦非。  
 誰言淮陰近。阻此駭浪飛。長風徑千里。蛟蜃相因依。

眇然恃一葉。此勢安可遠。冒涉彼何人。勇決生慮微。  
 欲速有不達。魚服豈足肥。風帆尚可轉。野廟誰能祈。  
 但當擁衾睡。慎閉牕與扉。夜聞聲尚惡。起視聊披衣。

次韻子瞻記十月十六日所見

君不見天高后土黃。變化出入唯陰陽。旋疑細霧作  
 飛電。復遣震雷追日光。可憐萬物甚微細。坐聽百變  
 隨顛僵。深根固蒂無計遯。倏來忽返安能防。平生未  
 見實驚耳。稍遠不知如隔牆。君看歌舞醉華屋。下有  
 纍繫排兩廊。眼前苦樂尚懸絕。空中造化知有亡。我  
 居宛丘厭凝沍。雪翻海水填陂塘。但知膏澤利牟麥。



恣食麩餌真嘉祥。山陽所記亦何事。有酒胡不盡一觴。

樂城集卷第三

樂城集卷第四

詩七十四首

次韻子瞻廣陵會三同舍各以其字為韻

劉貢甫

貢甫少多才。交遊一何衆。談詞坐傾倒。玉塵日揮弄。  
逡巡不爲虐。巧捷有微中。羣情忌超邁。微過出嘲諷。  
南遷時已久。未見肯力貢。舌在終自竒。髀滿安足痛。  
人生百年內。僅比一朝夢。鬢髮就消涸。斗水傾漏甕。  
江淮未可嫌。遲晚聊自送。試觀終日閑。何似兩耳闕。

孫巨源



巨源學從橫。世事夙討論。著書十萬字。辯如白波翻。  
諫垣適多事。憂心生病根。立談信無補。閉口出國門。  
棄置卧江海。閔嘿寧復言。朝行共長歎。逐客繼二孫。  
謂莘老南方固鄉黨。謫宦侶鶴猿。風俗未寧靜。朋黨  
爭排根。引去良自得。獨清在澄源。往者未可招。冠蓋  
方駿奔。

劉莘老

莘老奮徒步。首與觀國賓。儼然自約束。被服黻與紳。  
黽勉丞相府。接迹輿臺臣。顧嫌任安躁。未忍裂坐茵。  
推置冠解豸。謂言我比鄰。三晉固多士。骯髒存斯人。

竄責不敢辭。狂言見天真。南方異風俗。強食魚尾莘。  
應同賈太傅。抱屈耻自陳。猶有痛哭書。受釐定何辰。

和子瞻金山

根乃根之記

韻書有此根字

唯一石潮平風靜日浮  
以見石頭城城下波濤與

片未定僧先迎山中岑寂  
四無鄰家羣動息鍾聲鏗

鎗。答山谷。鳥。鳶。力薄墮中路。惟有胡鷹石上宿。誰知  
江海多行舟。遊人上下奪巖幽。老僧心定身不定。送  
往迎來何時竟。朝遊未厭夜未歸。愛山如此如公稀。

原唱根  
韻無此字



巨源學從橫。世事夙討論。著書十萬字。辯如白波翻。  
諫垣適多事。憂心生病根。立談信無補。閉口出國門。  
棄置卧江海。閔嘿寧復言。朝行共長歎。逐客繼二孫。  
謂莘老南方固鄉黨。謫宦侶鶴猿。風俗未寧靜。朋黨  
爭排根。引去良自得。獨清在澄源。往者未可招。冠蓋  
方駿奔。

劉莘老

莘老奮徒步。首與觀國賓。儼然自約束。被服黻與紳。  
黽勉丞相府。接迹輿臺臣。顧嫌任安躁。未忍裂坐茵。  
推置冠獬豸。謂言我比鄰。三晉固多士。骯髒存斯人。

竄責不敢辭。狂言見天真。南方異風俗。強食魚尾莘。  
應同賈太傅。抱屈耻自陳。猶有痛哭書。受釐定何辰。

和子瞻金山

長江欲盡開。無邊金山當。中唯一石潮。平風靜日浮。  
海縹緲樓臺。轉金碧。瓜洲初見石頭城。城下波濤與  
海平。中流轉柁疑無岸。泊舟未定僧先迎。山中岑寂  
恐未足。復將江水遶山麓。四無鄰家羣動息。鍾聲鏗  
錙答山谷。鳥鳶力薄墮中路。惟有胡鷹石上宿。誰知  
江海多行舟。遊人上下奪巖幽。老僧心定身不定。送  
往迎來何時竟。朝遊未厭夜未歸。愛山如此如公稀。



不待遊人盡歸去。恐公未識山中趣。

和子瞻焦山

金山遊遍入焦山。舟輕帆急須臾間。涉江已遠風浪  
開。遊人到此皆爭還。山頭冉冉萬竿竹。樓閣不見門  
長閑。金山共此一江水。只有勝絕無此閑。野僧終日  
飽一飫。與世相視如髦蠻。門無舟楫斷還往。說法教  
化。龜。頑。偶然客至話鄉國。西望落日低銅鑲。岷峨  
正在日入處。想象積雪堆青鬟。柏田一頃良自給。仕  
宦不返知誰扳。久安祿廩農事廢。強弓一弛無由彎。  
行逢佳處輒歎息。想見茅屋藏榛菅。我知此地便堪

隱稻苗。旆旆魚斑斑。焦山長老

次韻子瞻遊甘露寺

去國日已遠。涉江歲將闌。東南富山水。跬步留清歡。  
遷延廢行邁。忽忘身在官。清晨陟甘露。乘高棄征鞍。  
超然脫闌闌。穿雲撫朱欄。下視萬物微。惟覺滄海寬。  
潮來聲洶洶。望極空漫漫。一一渡海舶。冉冉移檣竿。  
水怪時出沒。羣嬉類猥獮。幽陰自生火。青熒復誰鑄。  
石頭古天險。憑恃分權。瞞疑城曜遠。目來騎驚新觀。  
聚散定王業。成毀猶月團。金山百圍石。岌岌隨濤瀾。  
猶疑漢宮廷。屹立承露盤。狂波恣吞噬。萬古嗟獨完。

跬窺上  
一聲

奇句



點軍事用  
筆簡勁

疑眸厭澆漾。逸屋行盤跚。此寺歷今古。遺迹皆龍鸞。  
孔明所坐石。牂獮非人刊。經霜衆草短。積雨青苔寒。  
蕭翁嗜佛法。大福將力干。坡陀故鑊在。甲錯蒼龍蟠。  
衛公秉節制。佛骨埋金棺。長松看百尺。畫像留三歎。  
新詩語何麗。傳讀紙遂剗。嗟我本漁釣。江湖心所安。  
方爲籠中閉。仰羨天際搏。遊觀惜不與。賦詠嗟獨難。  
俸祿藉升斗。糞塩嗜鹹酸。何時扁舟去。不俟官長彈。

李簡夫挽詞二首

老成渾欲盡。吊客一潛然。遺事人人記。清詩句句傳。  
掛冠踈傳早。樂世白公賢。歎息風流在。埋文得細鐫。

又

歸隱淮陽市。遨遊十六年。養生能淡泊。愛客故留連。  
傾蓋知心晚。論詩卧病前。葆光塵滿榻。無復聽談禪。

次韻子瞻初到杭州見寄二絕

吏治區區豈不任。吳中已自富才能。還應占位書名  
姓。學取藍田崔縣丞。

試盡風波萬里身。到官山水却宜人。君知晏子恩仍  
厚。還與從來舊卜鄰。

和柳子玉地爐

鑿地泥床不費功。山深炭賤火長紅。擁衾熟睡朝衙



麻多不鮮

後抱膝微吟莫雪中。龍辱兩忘輕世味。冰霜不到傲天工。遙知麻步無人客。寒夜清樽誰與同。

和柳子玉紙帳

夫子清貧不耐冬。書齋還費紙重重。牕明曉日從教入。帳厚霜飈定不容。京兆牛衣聊可藉。公孫布被旋須縫。吳綾蜀錦非嫌汝。簡淡為生要易供。

次韻子瞻遊孤山訪惠勤惠思

鳥依山魚依湖。但有所有無。所無輕舟沿沂窮。遠近肩輿上下更傳呼。翩然獨往不携孥。兼擅魚鳥兩所娛。困依巖石坐巉絕。行牽翠蔓隨纏紆。道逢勤思訪

其廬誦詩清切秋蟬孤。隱居羞蹈陌上土。何人起愛輪下蒲。水南巷中羅百夫。鷄鳴朝謁至日晡。人生變化安可料。憐汝又遁終無圖。鳧鷖不足鶴有餘。一俯一仰戚與蕩。嗟我久欲從逃遁。方圓不敢左右摹。

宛丘二詠并序

宛丘城西柳湖累歲無水。開元寺殿下山茶一株。枝葉甚茂亦數年不開。轍頃從子瞻遊此。每以二物為恨。去秋雨雪相仍。湖中春水忽生數尺。至二

月中山茶復開千餘朵。因作二詩奉寄。

旱湖堤上柳空多。倚岸輕舟柰汝何。秋雨連渠添積



潤春風吹凍忽生波。蟲魚便爾來無數。鳧雁猶疑未肯過。持詫錢塘應笑我。坳中浮芥兩么麼。古殿山花叢百圍。故園曾見色依依。凌寒強比松筠秀。吐豔空驚歲月非。冰雪紛紜真性在。根株大老衆園希。山中草木雖携種。潦倒塵埃不復歸。

贈提刑賈司門青

前年乘舟護南河。宛丘官舍酣且憂。歌去年持節犴獄。驅車道路日不足。今年春風塵土黃。遠赴三州議繇役。天子憂民法令新。整齊百事無閑人。苗耘髮櫛何時已。回首昔遊如夢寐。區區學舍曾未知。春晚日

憂字疑在  
前字下

長。唯有睡才智有餘。安得閑踈慵。顧我自當然。喜君未忘太平事。獨稱赦書旌孝子。項城有孝子負土成墳。賈移文陳州請用。

赦之存

同陳述古舍人觀芍藥

藹藹堂西十畝園。晚涼迎步綠陰繁。共驚春去已多

憂

字。地。位。待。改。狂風催爛熳。故將青幄強

安存請公作意。取殘紅照酒樽。

次韻子瞻寄

我將西歸老故丘。長江欲濟無行舟。宦游已如馬受輓。衰病擬學龜藏頭。三年學舍百不與。糜費廩粟常



潤春風吹凍忽生波。蟲魚便爾來無數。鳧雁猶疑未肯過。持詫錢塘應笑我。坳中浮芥兩么麼。古殿山花叢百圍。故園曾見色依<sub>七</sub>。凌寒強比松筠秀。吐豔空驚歲月非。冰雪紛紜真性在。根株大老衆園希。山中草木雖携種。潦倒塵埃不復歸。

贈提刑賈司門青

前年乘舟護南河。宛丘官舍酣且<sub>憂</sub>歌。去年持節犴獄。驅車道路日不足。今年春風塵土黃。遠赴三州議繇役。天子憂民法。令新整齊百事無。閑人苗耘髮櫛何時已。回首昔遊如夢寐。區區學舍曾未知。春晚日

憂字疑在  
前字下

長。唯有睡才智有餘。安得閑踈慵。顧我自當然。喜君未忘太平事。獨稱赦書旌孝子。項城有孝子負土成墳。賈移文陳州請用。赦之存

同陳述古舍人觀芍藥

藹藹堂西十畝園。晚涼迎步綠陰繁。共驚春去已多日。爭看花開最後番。未許狂風催爛熳。故將青幄強安存。請公作意勤歡賞。趁取殘紅照酒樽。

次韻子瞻見寄

我將西歸老故丘。長江欲濟無行舟。宦游已如馬受輓。衰病擬學龜藏頭。三年學舍百不與。糜費廩粟常



慙羞矯時自信力不足從政敢謂學已優閉門却掃  
 誰與語畫堂時作釣天遊自從四方多法律深山更  
 深迹無術衆人奔走我獨閑何異端居割蜂蜜懷安  
 已○心○自○知○彈○劾○未○至○理○先○屈○餘○杭○軍○府○百○事○勞○經  
 年未見持干旄賈生作傳無封事屈平憂世多離騷  
 煩刑弊法非公耻怒馬奔車忌鞭箠藐藐何自聽諄  
 諄諤諤未必賢唯唯求田問舍古所非荒畦弊宅今  
 餘幾出從王事當有程去須臾肉嫌無名掃除百憂  
 唯有酒未退聊取身心輕

趙少師自南都訪歐陽少師於潁州留西湖

父之作詩獻歐陽公

公居潁水上德與潁水清身閑道轉勝內足無復營  
 平昔富交遊開門坐常盈退居萬事樂獨恨無友生  
 汝穎亦多士後來非老成趙公平生舊情好均弟兄  
 少年結意氣晚歲齊功名携手踐廊廟躡足辭鈞衡  
 徜徉里閭間脫略世俗榮興來忍命駕一往千里輕  
 白髮儼相映元勳各崢嶸人生會面難此會有餘情  
 遨遊西湖中仲夏草木榮壺觴列四坐歌舞羅前楹  
 畫舫極泔泝肩輿並逢迎棹進鳧鴨亂樂作蟲魚聲  
 近寺駢履迹高臺吹笑聲往事語京洛餘歡發吟賡



拳拳主人厚。款款來客誠。此樂有時盡。此好何由傾。

次韻予瞻望湖樓上五絕

欲看西湖兩岸山。卧乘湖上木蘭船。湖山已自隨船改。更值陰晴欲雨天。

眼看西湖不甞來。簿書無筭撥還開。三年屈指渾將盡。記取從今得幾回。

湖山欲買恨無錢。且盡芳樽對玉盤。菱角鷄頭應已厭。蟹螯馬頰更勤餐。

終日清漪弄短桡。久忘車乘走翹翹。秋風且食鱸魚美。洛下諸生未可招。

滯留朝市常嫌鬧。放棄江湖也未閑。孤舫粗窮千頃浪。肩輿未盡百重山。

和柳子玉共城新開御河過所居牆下

卜築共山功。欲成新河入縣巧。相縈誰將畚鍤千夫力。添上園林一倍清。生長魚鰕供晚饌。浮沉鶩鴨放春聲。為鄰有意非今日。巧我餘波伴濯纓。

歐陽太師挽詞三首

雄文元命世。直氣早成風。受任衰遲後。安邦反側中。迴天深有力。扈聖耻言功。事已身隨去。驚嗟柱石空。

又

風移如許  
以詩

三作真無  
愧詞



唐弊文初喪。書成法至今。雍容趨聖處。深切可人心。  
氣力知難繼。風流喜不淫。懸知公欲謝。異說勇交侵。

又

推轂誠多士。登龍盛一時。西門行有勸。東閣見無期。  
念昔先君子。嘗蒙國士知。舊恩終未報。感歎不勝悲。

賦黃鶴樓贈李公擇公擇時知鄂州

前年見君河之浦。東風吹河沙如霧。北潭楊柳強知春。樽酒相携終日語。君家東南風氣清。謫官河壩不稱情。一麾夏口亦何有。高樓黃鶴慰平生。荆江洞庭春浪起。漢沔初來入江水。岸頭南北不相知。惟見風

華衰不解

濤湧天地。巫峽瀟湘。萬里船中流。鼓楫四茫然。高城枕山望如帶。華衰照日光流淵。樓上騷人多古意。坐忘朝市無窮事。誰道武昌岸。下魚不如建業城。邊水次韻子瞻餘杭法喜寺綠野亭懷吳興太守

孫華老

身存疑有一水中亭高望已極。舟入去無窮。

朝市知安在。湖山信有功。遨遊逐鳧鴨。飲食數魚魚。波浪喧朝夕。梅蒸變綠紅。逢人問京洛。去國長兒童。

同舍情相接。鄰邦信屢通。相邀欲相過。道里訊溪翁。  
和子瞻宿臨安淨土寺



唐弊文初喪。書成法至今。雍容趨聖處。深切可人心。氣力知難繼。風流喜不淫。懸知公欲謝。異說勇交侵。

又

推轂誠多士。益龍盛一時。西門行有勸。東閣見無期。念昔先君子。嘗蒙國士知。舊恩終未報。感歎不勝悲。

賦黃鶴樓贈李公擇

公擇時知鄂州

前年見君河之浦。東風吹河沙如霧。北潭楊柳強知春。樽酒相携終日語。君家東南風氣清。謫官河壩不稱情。一麾夏口亦何有。高樓黃鶴慰平生。荆江洞庭春浪起。漢沔初來入江水。岸頭南北不相知。惟見風

華衰不解

濤湧天地。巫峽瀟湘。萬里船中流。鼓楫四茫然。高城枕山望如帶。華衰照日光流淵。樓上騷人多古意。坐忘朝市無窮事。誰道武昌岸。下魚不如建業城。邊水

次韻子瞻餘杭法喜寺綠野亭懷吳興太守

孫莘老

信美非吾土。三吳一水中。亭高望已極。舟入去無窮。朝市知安在。湖山信有功。遨遊逐鳧鴨。飲食數魚魚。波浪喧朝夕。梅蒸變綠紅。逢人問京洛。去國長兒童。同舍情相接。鄰邦信屢通。相邀欲相過。道里訊溪翁。

和子瞻宿臨安淨土寺



四方清淨居。多被僧所占。既無世俗營。百事得豐贍。  
 家居每紛薄。奉養世寒欠。昔年旅東都。苟促吁已厭。  
 城西近精廬。長老時一覘。每來獲所求。食飽山茶醞。  
 塵埃就湯沐。垢膩脫巾幘。不知禪味深。但取飢腸饜。  
 京城苦煩溷。物景費冶染。吳都况清華。觀刹吐光豔。  
 石缸度空闊。泉溜瀉深壑。經過未足多。終老應長歎。

和子瞻自淨土步至功臣寺

山平村塢連。野寺鐘相答。晚陰生林莽。落日猶在塔。  
 行招兩社僧。共步青山月。送客渡石橋。迎客出林樾。  
 幽尋本真性。往事聽徐說。錢王方壯年。此邦事輕俠。

鄉人鄙貧賤。異類識英傑。立石象興王。遺迹今岌業。  
 功勳三吳定。富貴四海甲。歸來父老藏。崇高畏摧壓。  
 詩人巧譏病。牛領恣挑挾。流傳後世人。談笑資口舌。  
 是非亦已矣。興廢何倉卒。持歸問禪翁。笑指浮漚沒。

次韻子瞻遊徑山

去年渡江愛吳山。忽忘蜀道輕秦川。錢塘後到山最  
 勝。下枕湖水相縈旋。坐疑吳會無復有。扁舟屢出凌  
 濤淵。今秋復入徑山寺。勢壓衆嶺皆摧顛。連峯沓嶂  
 不知數。重重相抱如青蓮。散為雲霧翳星斗。聚作潭  
 井藏蛟螭。欽翁未到人迹絕。千里受記來安禪。荒榛



續坡集 卷四  
野草置茅屋。坐令海賈輸金錢。至今傳法破煩惱。飽  
食過客容安眠。解裝投錫不復去。紛紛四合來鳥鳶。  
或言此處猶未好。海上人少無煩煎。天台鴈蕩最深  
秀。水驚石瘦尤清便。青山獨往無不可。論說好醜徒  
紛然。終當直去無遠近。藤鞋竹杖聊窮年。

次韻子瞻自徑山回宿湖上

朝從徑山來。決莽徑山色。莫從湖上歸。滉漾湖光碧。  
借問泛湖舟。何似登山屐。高懷厭朝市。遠去忘憂慄。  
日向幽人青。顏從濁醪赤。塵埃解羅網。宇宙爲安宅。  
油然了無營。此意誰能詰。嗟予別離久。欲往徒反側。

留滯亦何爲。空驚突深黑。

次韻子瞻題孫莘老墨妙亭

高岸爲谷谷爲陵。一時豪傑空飛騰。身隨造化不復  
返。忽若野雀逢蒼鷹。當年碑刻最深固。風吹土蝕消  
無稜。遺文漫滅雨中迹。翠石斷裂春後冰。古墳欲毀  
野廟廢。行人不去征鞍憑。書生耽翫立風雪。飢驢厭  
苦疲。奴憎愛之欲取恨。無力旋揉翠墨濡。黃繒不如  
好事孫太守。牛車徙置華堂登。透牆羅列耀珪璧。罷  
燕起讀晉賓朋。却思遺迹本安在。原隰處處荒榛藤。  
田夫野老誰復顧。鬼火夜照來寒燈。廢興聚散一如



此反使涕泗沾人膺。

熙寧壬子八月於洛陽妙覺寺考試舉人及還道出嵩少之間至許昌共得大小詩二十六首

洛陽試院樓上新晴五絕

縹緲危譙面面山。朝來雲作雨潺潺。忽然風卷歸何處。百里陰時反掌間。

嵩少猶藏薄霧中。前山迤邐夕陽紅。高樓一閉三十日。遙憶巖頭種藥翁。

伊闕遙臨鳳闕前。龍門女兒氣蒼然。唐朝御路依稀在。猶想東巡塵暗天。

天壇王屋北侵河。高比嵩丘一倍多。小有清靈今上在。俗緣深重柰成魔。

前朝宮闕倚芒山。殿閣層層半嶺間。猶恐北來岡阜淺。大行東抱故孱顏。

和頓主簿起見贈二首

聲病消磨只古文。諸儒經術闢紛紛。不知舊學都無用。猶把新書強欲分。老病心情愁見敵。少年詞氣動干雲。搜貧報國吾何敢。欲補空疎但有勤。

一鎖樓中暗度秋。微官黽勉未能休。笑談容我聊紆放。文字憑君便去留。杯酒淋漓已非敵。清詩窈眇更



難酬東歸猶得聯征騎。同上嵩高望九州。

將出洛城過廣愛寺。見三學演師引觀楊惠

之塑寶山朱瑄畫文殊普賢為賦三首

寺古依喬木。僧閑正莫年。為生何寂寞。愛客尚留連。

虛牖羅脩竹。空厨響細泉。坐聽談舊事。遍識洛中賢。

又

虛室無尋丈。青山有百層。迴峯看不足。危石恐將崩。

聽法來天女。依巖老梵僧。須彌傳納芥。觀此信還曾。

又

壁毀丹青在。移來殿廡深。賦形驚變態。觀佛覺無心。

空色笙竽含妙音。風流出吳樣遺法到如今。

登封道中三絕

緱山祠

飛仙不返周王子。重阜相連少室孫。夜靜笙聲兼鶴下。迴看惟有故山存。

轅轅道

青山欲上疑無路。澗道相縈九十盤。東望高高分草木。回瞻原隰湧波瀾。

少林寺贈頰起

一徑喬林下黃葉。三山翠壁遶禪居。共君將住還歸。



續城集 卷四 十三  
去欲問安心。知已疎。少林東接少室。北倚石城。南臨鳳凰山。鳳凰山上有初祖庵。二祖問法於此。

登嵩山下首

石徑

蒼壁上參天。微徑隨流水。聲牙石齒亂。紛薄黃葉委。牽攀不得上。顛仆幾將止。勉強終此行。更老知難至。

玉女窻

巖竇有虛明。曨曨發晴曉。真人無儔匹。窓下晨粧早。門開秋雨入。室靜長風掃。絕跡杳難尋。朱顏未嘗老。

擣衣石

玉女雲為衣。飄搖不須擣。空傳巖下石。夜杵知誰抱。清泉供澣濯。素月鋪繒綺。人世迫秋寒。處處砧聲早。

醒心泉

上山苦飢渴。中道得寒泉。舉瓢石竇響。入口煩疴痊。湫流去不見。落澗聲鏗然。莫歸復相值。相從下平川。

峯頂寺

重重山前峯。上上終非頂。行登衆嶺徹。始得山門迥。高風慘多寒。落日側先暝。却視向所經。恥如在深井。

登封壇

登封事已遙。大碑摧風雨。靈壇久銷禿。古木中梁柱。



峯巒至此盡。蒼石無寸土。俯視萬仞高。悲辛但狂顧。

法華巖

飛橋走巖居。茅屋今已破。何年避世僧。此地常獨卧。  
秋風高鳥入。夜月寒猿過。自非心已灰。靜極生悲墮。

將軍柏

在天封觀觀  
唐通暑宮

肅肅避暑宮。石殿秋日冷。凜然中庭柏。氣壓千夫整。  
風聲蒼萬壑。雲色通諸嶺。材大難為工。甘與蓬蒿屏。

吳道子畫四真君

在精  
思觀

浮埃古壁上。蕭然四真人。矯如雲中鶴。猶若畏四鄰。  
坐令世俗士。自慙汗濁身。勿謂今所無。嵩少多隱淪。

啓母石

神父化黃熊。神母化白石。嬰兒剖還父。涕泣何暇卹。  
爾來三千歲。往事誰復識。惟有少姨存。相望居二室。

過韓許州石淙莊

水中有石曰淙。唐天后朝  
常燕羣臣於其石刻尚存

飛泉來無窮。發自嵩嶺背。奔馳兩山間。偶與亂石會。  
傾流勢摧毀。泥土久崩潰。堅姿未消釋。截薛儼相對。  
居然受噴濺。雷轉諸壑內。初喧墮深谷。稍放脫重隘。  
跳沫濺霏微。餘潤洶澎湃。宸遊昔事遠。絕壁遺刻在。  
人迹久寂寥。物理係興廢。相君厭紛華。築室俯湍瀨。  
灌纓離塵垢。洗耳聽天籟。將追赤松遊。自置青雲外。



道人亦何者。預此事歸計。猶恐山未深。更種萬株檜。

過登封閻氏園

秋暑尚煩襟。林泉淨客心。菊殘知節過。荷盡覺池深。踈柳搖山色。青苔遍竹陰。猶嫌近官道。輾轆聽車音。

許州留別頓主簿

洛寺相從不出門。遠城空復記名園。程文堆案晨興早。竹簟連床夜語喧。歸路逢僧鬢容與。登山無力強扳援。遙知別後都如夢。賴有君詩一一存。

次韻子瞻登望母樓五絕

山色潮聲四面來。城中金碧爛成堆。不愁門外嚴扃。

鎖終日。憑欄未擬迴。

湖色蒼蒼日向斜。煙波萬狀不容誇。畫船人共浮紅葉。石徑僧歸暈白蛇。

樓觀爭高不計層。啞啞過馬自相騰。錢王舊業依稀在。歲久無人話廢興。

荷葉初乾稻穗香。驚雷急雨送微涼。晚晴相放秋山色。洗却濃粧作淡粧。

白酒傾漿膾斫紅。晝遊未厭月明中。樓高只辨聽歌鼓。不見遊人轉似蓬。

和子瞻監試舉人



晚 題 睨

射 精 微 炳

登科歲云徂。舊學日將落。外遭飢寒侵。內苦憂患鑠。  
傳家足墳史。遺說本精約。羣言又紛蕩。開卷每驚矍。  
居官忝庠序。授業止千篇。朝廷發新令。長短棄前襲。  
緣飾小學家。睥睨前王作。聲形一分解。道義因附託。  
安行厭衢路。強挽就縻縛。縱橫施口鼻。爛漫塗丹雘。  
強辯忽橫流。漂蕩終安泊。憶惟法初傳。欲講面先作。  
新科勸多士。從者盡高爵。徘徊始未信。銜誘終難却。  
嗟哉守愚鈍。幾不被譏謔。獨醒慙。舖糟未信。耻輕諾。  
敢言折鋒鋌。但自保城郭。有司顧未知。選試謬西洛。  
羣儒誰號令。新語競投削。雖云心所安。恐異時量度。

詭遇便巧射。晚嫁由拙妁。誰能力春耕。忍飢待秋穫。  
聞兄職在監。考較筆仍閣。縮手看傍人。此意殊未惡。

和子瞻煎茶

年來病懶百不堪。未廢飲食求芳甘。煎茶舊法出西  
蜀。水聲火候猶能諳。相傳煎茶只煎水。茶性仍存偏  
有味。君不見。閩中茶品天下高。傾身事茶不知勞。又  
不見。北方俚人茗飲無不有。鹽酪椒薑誇滿口。我今  
倦遊思故鄉。不學南方與北方。銅鑪得火蚯蚓吐。匙  
脚旋轉秋螢光。何時茅簷歸去炙。背讀文字遣兒折  
取枯竹如煎湯。



次韻子瞻對月見憶并簡崔度

先師客陳未嘗飽。弟子于今敢言巧。敗牆破屋秋雨多。夜視陰精過畢昴。壘塩冷落空盃盤。且依道士修還丹。丹田發火五臟暖。未補漫漫長夜寒。我生疲駑戀莖豆。崔翁遊邊指北斗。唯有王江亦未歸。閉門無客邀沽酒。宛丘道人王江好飲酒。去冬游沉丘遂不歸。

和子瞻開湯村運塩河雨中督役

興事常苦易成事。常苦難不督雨中役。安知民力殫年來上功勲。智者爭雕攢山河不自保。䟽鑿非一端。譏訶西門豹。仁智未得完。以方勇自許。未卹衆口歎。

天心閔劬勞。兩涕爲汎瀾。不知泥滓中。更益手足寒。誰謂邑中黔。鞭筆亦不寬。王事未可回。后土何由乾。

次韻子瞻雨中督役夜宿水陸寺二首

恬適

雲氣連山雨。溼益莫投僧。舍欲關門。暫時洒掃寬。行役終夕。崎嶇入夢魂。煩熱暗消。秋簟冷。烝濡未解。夜燈昏。二年游宦多勞苦。何日相從得細論。

野寺蕭條厭客喧。雨披脩竹亂紛然。已因無食聊從仕。深悟勞生不問禪。未至莫憂明日事。偷閑且就此宵眠。天明歸去茫鞋滑。雖有藤輿懶上肩。

次韻子瞻將之吳興贈孫莘老



宦遊莫向長城窟。冬冰折膠弦亦絕。吳中臘月百事  
便。蟹煮黃金鱸。鱠雪京城舊友一分散。近憶吳興湏  
滿頰。世事反覆如翻飛。今日共鯨前益垂。畏人但恐  
去不遠。適意未覺歸來遲。借問校讎天祿閣。何如江  
海同遊嬉。

和子瞻畫魚歌

吳人以長釘加技頭以  
杖畫水取魚謂之畫魚

潛魚在淵安可及。垂餌投竿易如拾。橫江設網雖不  
仁。一瞬未移收百十。畫魚何者漫區區。終日辛勤手  
拮据。已嫌長網不能遍。肯信一竿良有餘。鯤鯢駭散  
蛟龍泣。獲少驚多亦何益。願從網罟登君庖。碎首屠

鱖非所惜。







程